

放翁詩選

前集

乾


漢書門			
一〇二六	九	號	類
一	四	函	架
二	冊		

內閣文庫			
一〇二六	九	號	類
一	四	函	架
二	冊		

別


內閣文庫	
番號	漢 10269
冊數	2 (1)
函號	312 270

312-270




陸放翁詩選

312-270



淺草文庫



放翁詩選序

放翁為南渡詩人

詩至卷蓋不解

故其多不啻萬首

今澗谷須

溪所選殆十一爾

二家趣好微有不同

然搜

玄獵奇班班略備

俾嗜者觀之亦足以厭飲

而思休矣顧今人間傳寫猶未免有靳容德

色之病有曰吾將擇之其孰不欲焉劉戶部

生之蜀人也雅工吟詠已造堂與近次監稅

使執遂用餘力治茲事使翁詩一新川流日

以

315-518

煥誠嘉惠詞林之盛舉也前代詩多矣獨刻
此者其有專尚而深契其心者歟翁才力放
逸殆出天縱在李杜蘇黃而下故有定論誠
不敢加喙其間獨喜由翁逮今餘三百禩僅
得一劉戶部為詩再行是何寥寥知賞之難
也戶部名景寅癸丑進士所謂好古以實而
不以名者騷壇慶快尚共賢之哉
弘治十年吳郡楊循吉謹序

棟着吟人若心處吟時較易棟時難火火澗
上翁題趙慶御手寫唐絕句結語也棟詩之
難尚矣人謂刪後無詩非果無性情也特未
有刪手爾族孫壽可以翁所選放翁陸先生
詩刻本撫卷圭後涕淚盈睫悲夫善和書卷
存者僅十一於千百而家藏膏馥蓋流潤人
間寔多有能思叔敖而繡諸梓真元宗事也
茅放翁天才豪邁筆勢道勁屬事此偶不煩
繩削是編若圈若點去取自有深意非後學

元

可

所能測識謂之有取於陸集司也謂即此以
定陸集之刪削則未也然此特翁年少游戲
細事爾遺編殘墨尚足得聲梁楚間獨不知
後來一變至道亦有升堂入室而薰善良者
否也手澤在笥願期同志切磋之大德辛丑
立夏日適孫愨百拜謹識

今按舊本此序止為澗谷所選者作

澗谷精選陸放翁詩集目錄

前集

放翁陸游務觀撰
澗谷羅椅子遠選

卷之一
古詩

蜀酒歌

與青城道人飲酒作

夏夜醉後有感

雨中登安福寺塔

怡齋

投梁參政

遊漢州西湖

醉後草書歌詩戲作

追補太液黃鵠歌

晚步

松驥竹

春夜讀書感懷

行

日出入行

夜漏欲盡行渡浮橋至錢清驛待舟

江月歌

和伯子

讀書

卷之二

古詩

偶過浣花感舊遊戲作

步出萬里橋門至江上

夜宿龍華山中寂然無一人方丈前梅花盛

開月下獨觀至中夜

臨別成都帳飲萬里橋贈譚德稱

聽琴

瑞草橋道中作

夜宿陽山磯將曉大雨北風甚勁俄頃行三

百里遂抵僑翅浦

航海

江樓吹笛飲酒醉中作

長行歌

開歲半月湖村梅開無餘

一百五日行

對酒懷丹陽成都故人

答客

夏白紵二首

故蜀別苑在成都西南十五六里梅至多有

兩大樹矢矯若龍相傳謂之梅龍子初至

蜀常為作詩自此歲常訪之今復賦一首

芳華樓賞梅

遊仙

秦

天王廣教院在戴山東麓予自二十時與老
僧惠迪遊畧無十日不到也淳熙甲辰秋
觀潮海上偶繫舟其門曳杖再遊恍如隔世
登鵝鼻山至絕頂訪秦刻石見北望大海山
路危甚人跡罕至也
十月二十六日夜夢行南鄭道中既寤恍然
攬筆作此詩詩成時已五鼓

卷之三

七言八句

雨晴遊洞宮山坐間復雨
醉中到白崖而歸 深居

題丈人觀道院壁

宿江原縣東十里張氏亭子未明而起

晚登橫溪閣二首 武檐東臺晚望

待青城道士不至 學射道中感事

登劔南西川門感懷

城上 早行

秋晚登城北門 醉中偶書

浣花賞梅 蜀苑賞梅

席上作 客愁

送梅 即席

舟過小孤有感 題齋壁

完

夜行相湖頭寺

雪後出遊戲作

村居書觸目

感昔二首

夜半讀書罷出門徙倚久之歸賦短句

寓歎

卷之四

七言八句

柳林酒家小樓

上虞逆旅見舊題感懷

晝卧

醉歸

自上清延慶歸過丈人觀少留

躬耕

留題雲門草堂

望江道中

僧房假榻

聞

晚晴間角有感

六月十四日宿東林寺

夢至成都悵然有作

金陵先寄獻謝留守

書感

雪中懷成都

西村醉歸

贈林使君

遣興

冬晚山房書事

又

得趙若川書因寄

夜歸醉中作

早秋

郊行夜歸書觸目

初夏幽居

卷之五

七言八句

雨中示子聿

秋雨初霽戲筆

龜堂獨坐遣悶

七十三吟

贈澄

遣興二首

遊近山

數日不出門偶賦

昨非

飽食

久雨

遊山西村

作夢

春行

睡起至園中

初春欲散步畏寒而歸

醉題埭西酒家二首

書感

初冬

史院晚出

初春書懷

明日復理夢中意作

夏夜

卷之六

七言八句

舟中夜賦

春夏屢病至立秋而愈因自賀

卜築

歲晚

題庵壁

秋懷

舟中作

村居

免甚自詠二

賞花至湖上

東總小酌

冬莫

泛舟澤中雨夜

書感

萬歎

道室雜詠三首

道室雜詠三首

道室雜詠三首

道室雜詠三首

庵

遣興

晚泊松滋渡口

醉鄉

病中作

江樓醉中作

卷之七

七言八句

初春遣興三首

憶昔

二月二十四日作

晨起偶題

病中三君皆有歸志

秋日懷東湖

寄題陳魯山二首

燈下看梅

幽居書事

春晴暄甚遊西市游家園

出縣

寒食臨川道中

陵

初夏道中

雨中泊趙屯

過廣安弟張才叔諫議

宿武連縣驛

即事

羅澤驛翠望亭讀宋景文公詩

成都歲莫始微寒小酌遣興

快晴

暮春

東湖新竹

夏日湖上

寓驛舍

敕竿慎早行

寓舍書懷

成都書事

午睡至暮

夜寔

漢

鎮

寔

卷之八
七言八句

行武擔西南村落有感
獨飲醉卧覺而夜半

城東馬上作

晚步江上

南定樓遇急雨

涪州

黃鶴樓

吾廬

別建安

登擬峴臺

初寒有感

縱筆

官居

新年

遊鄞

休日行郡圃

峴

夜步

登北榭

七言四句

平陽驛舍梅花

看山

戲題

青村寺

題畫燕

叙州三絕

龍興寺弔少陵先生寓居

過靈石三峯二首

歸州重五

屈平廟

楚城

別建安

弔

卷之九

七言四句

小園

湖上今歲遊人頗盛戲作二首

雜感二首 劍南道中遇微雨

三峽歌五首 春日絕句

閑中自詠 讀經

梅花絕句 雜興

聞鳥聲有感 七月十四夜觀月

巴東遇小雨 雪後尋梅二首

庚子正月十八日送梅二首

采蓮 建安遣興三首

排悶絕句三首 晚興

欲出遇雨

示子聿絕句

初夏絕句

小舟遊近村三首

一壺歌

觀梅至花徑高端叔解元見尋

雜題二首

雪中忽起從我之興戲作二首

伏錫平老自都城回見訪索怡雲堂因為賦

三首

卷之十

五言八句

即事

溪行

寓歎

峽州甘泉寺

獨立

病中

一室

春晚苦雨

客有見過者既去喟然有作

致仕後述懷

孤村

遊山

春日

醉賦

小園

舟中作

歲晚書懷

野興

雨後涼甚

月夜江濱池納涼

長汀道中

病中作

冒雨登擬峴臺觀江漲

春雨

有叟

六月十四日微雨極涼

夜雨

悶極有作

春晚雜興

自述

梅天

獨夜

遊雲門諸蘭若

五言四句

題瑩上人剎溪畫

路傍曲二首

澗谷精選陸放翁詩集目錄

渴車

漢州鵝黃鸞鳳雛不驚不搏德有餘眉州玻瓈天馬
駒出門已無萬里塗病夫少年夢清都曾賜虛皇碧
琳腹文德殿門辰奏書歸局黃封羅百壺十年流落
狂不除遍走人間尋酒壚青綵玉瓶到處酌鵝黃玻
瓈一滴無安得豪士致連事倒瓶不用盃與孟琵琶
如雷聒坐隅不愁渴死老相如

古詩

蜀酒歌

澗谷精選陸放翁詩集卷之一

前集

放翁陸游務觀撰

澗谷羅椅子遠選

莆田澹峰

黃漳仲瀾重刊

鶴秋

與青城道人飲酒作
君不見太傅晚歲具海舟歸欲極意東山遊翰林偶
脫夜郎謫大醉賦詩黃鶴樓兩賢窮達何足道同是
逸氣橫清秋我無一事行萬望青山白雲聊散愁有
酒不換西涼州無酒不典鸛鶴裘不作玉猛傲晚坐
捫蝨不作甯戚悲欲起飯牛五雲覆鼎金丹熟笙鶴
飄然戲十洲

夏夜大醉醒後有感

少時酒聽東海濱結交盡是英豪人龍泉三尺動牛
斗陰符一編役鬼神客遊山南夜望氣頗謂王師當
入秦欲傾天上河漢水淨洗瀾中胡虜塵那知一旦

隱

事大謬騎驢劍閣霜毛新却將覆瓿草檄刊小詩點
綴西州春素心踰願老叢壑大義未敢忘君臣雞鳴
酒解不成寐起坐肝膽空輪囷

雨中登安福寺塔

平生喜登高醉眼無疆界北顧極幽并東望跨海岱
喟然撫手歎從古幾成敗英雄如過鳥城郭但遺塊
今朝上黑塔千里曠無礙忽驚風霆劈坐覺天地晦
急雨挾龍腥溽暑為摧壞皇天念蟠鬱令我寄一快
那知書生狂自倚心眼大更思駟潼瀾黃河看如帶

怡齋

東湖仲夏草樹荒屋古無人亭午涼資房微呀不見

怡

日筍籜自解時吹香野藤蟠屈入牕罅
濕菌扶疎生屋梁跨溝數椽最幽翳
漲水及檻雨敗墻靜涵青蘋舞藻
存閑立白鷺浮鴛鴦芙蓉雖瘦亦
瀾漫照眼翠蓋遮紅粧水紋珠簾
欲卷却月團素扇嬾後將天風
忽送塔鈴語喚覓清夢游瀟湘

投梁參政

浮生無根株志士惜浪死雞鳴何預人
推枕中夜起游也本無奇折腰百僚底
流離鬢成絲悲吟淚如洗殘年走凶峽
辛苦為斗米遠衝三伏熱直指九月水
回首長安城未忍便萬里袖詩叩東府
再拜求望復平生實易足名幸汗黃紙
但憂死無聞功不掛青史

陸

頗聞匈奴亂天意殄蛇豕何時嫖姚師
大刷渭橋耻士各奮所長儒生未宜鄙
覆瓿草軍書不畏寒隨指

遊漢州西湖

房公一跌叢衆毀八年漢州為刺史
遠城鑿湖一百頃島嶼曲折三四里
小庵靜院穿竹入危榭飛樓壓城起
空濛煙雨媚松楠顛倒風霜老葭葦
日月苦長身苦耐萬事不理看湖水
向來愛琴雖一癖觀過自足知夫子
畫船載酒凌湖光想心樂飲千萬場
歎息風流今不泯兩州名醞避鵝黃
漢中酒名鵝黃

醉後草書歌詩戲作

朱樓矯首隘八荒綠酒一舉累百觴
洗我堆阜崢嶸

之曾次寫為淋漓放縱之詞章墨翻初若鬼神怒字
瘦忽作蛟螭僵寶刃出匣揮雪刃大刃破浪馳風櫓
絲窮擲筆霹靂響婦女驚走兒童藏往時草檄喻西
域颯颯聲動中書堂一朝放迹忽十載西掠三巴窮
夜即山川荒絕風俗異賴有酒美猶能狂醉中自脫
頭上幘綠髮未許侵微霜人生得喪良細事孰謂老
大多悲傷

追補漢太液黃鵠歌

建章宮裏春風寒太液水生池面寬中人馳奏黃鵠
下龍旗豹尾臨池看芹香藻暖鵠得意左右從官呼
萬歲須臾傳詔宴公卿驩聲如雷動天地時平宮省

刷

樂遊多黃鵠制羽涵恩波小臣珥筆龍墀下願繼前
朝天馬歌

晚步

院荒有古意僧少無人聲徘徊楠陰下賞此落日明
看書亦何急寂寞身後名今年復山酒歌舞陳空觥
不如且逍遙出門隨意行看竹入廢園望江上高城
纖纖素月出靄靄蒼煙橫此夕當復奇縱山吹玉笙

松驥行

驥行千里亦何得垂首伏櫪終自傷松閱千年桑澗
壑不如殺身扶明堂士生抱材願少試誓取燕趙歸
君王閉門高卧身欲老聞雞相蹴淚數行正令呶嚶

篋

死牖質豈若橫身當戰場半酣浩歌聲激烈車輪百
轉盤愁腸

鳴

春夜讀書感懷

荒林泉獨嘯野水鵝群鳴我坐蓬牕下答以讀書聲
悲哉白髮翁世事已飽更一身不自恤憂國涕縱橫
永懷天寶末李郭出治兵河北雖未下要是復兩京
三千同德士百萬羽林營歲周一甲子不見胡塵清
賊酋寶孱主賊將非人英如何失此時坐待姦雄生
我死骨即朽青史亦無名此詩倘不作丹心尚誰明

日出入行

吾聞開闢來白日行長空扶桑誰能到崦嵫不可窮

櫻

但見旦旦升天東但見暮暮入地中使我倏忽成老
翁鏡裏衰顏齒雙蓬我願一日一百二十刻我願一
生一千二百歲四海諸公常在座綠酒金樽終日醉
高樓錦繡中天開樂作畫鼓如春雷勸爾白日無西
顏常行九十萬里胡為哉

夜漏欲盡行渡浮橋至錢清驛待舟

潮生抹沙岸雲薄漏月明江頭曉色動鴉起人未行
扶藜度長橋仰視天宇清遙憐繫舟人聽我高屐聲
水檻得小憩一笑拄杖橫澄漪弄清影微風吹宿醒
湛然方寸間不受塵事櫻寄語市朝人此樂未易名

江月歌

翻

放翁平生一釣船，秋水未落江渺然。露洗玉宇清無煙，月輪徐行萬里天。人間聲利何足拍，浩歌看月冷不眠。孤鶴掠水來翻翻，似欲駕我從此仙。我寓紅塵今幾年，悅首韁鎖常自憐。樂哉揮手過月邊，西風未凋玉井蓮。

和伯子

齊戒扣頭，幾天公。幸矣使我為枯蓬。枯蓬於世百無用，始得萬里乘秋風。我生安然在貧賤，白髮蕭蕭對黃卷。今人雖賢有不覲，古人却向書中見。猿啼月落寒山空，舊隱夢寐思東蒙。不願我冠赤墀下，且可短劍紅塵中。終年無人問良苦，眼望青天唯自許。可憐

枯

對酒不敢豪，他日空澆墳上土。文章最忌百家衣，火龍翻翻世不知。誰能養氣塞天地，吐出自足成虹蜺。渡江諸賢骨已朽，老夫亦將正丘首。杜郎苦瘦帽掀耳，程子苦貧衣露肘。君後看意尋齊盟，始知衰懦畏後生。大篇一讀我起立，喜君得法傳家庭。鯤鵬自有天地着，莫謂太狂須束縛。大機大用君已傳，那遣老夫安注脚。

讀書

讀書四更燈欲盡，胸中太華蟠千仞。仰呼青天那得聞，窮到白頭猶自信。策名委質本為國，豈但空取黃金印。故都即今不忍說，空宮夜夜飛秋憐。士初許身

憐

輦櫻契歲晚所立慙廉蔭正省憤切詭成功已復雍
容託觀釁雖然知人要未易詎可例輕天下士君不
見長松卧壑困風霜時來屹立扶明堂

澗谷精選陸放翁詩集卷之一 前集

澗谷精選陸放翁詩集卷之二

前集

古詩

偶過浣花感舊遊戲作

憶昔初為錦城客醉騎駿馬桃花色二人携手上江
樓一筇鉤簾賞微雪寶釵拗酒忽徑去三日樓中香
未減市人不識呼酒仙異事驚傳一城說至今西壁
餘小草過眼年光如電掣正月錦江春水生花枝
處小舟橫洲倚胡床吹玉笛東風十里斷腸聲

步出萬里橋門至江上

久坐意不憚掩卷聊出遊一筇吾事足安用卓與驥
溪生了無根兩踵蹋百州常憶航巨海銀山卷濤頭

減

者

一日新雨霽微茫見流求西行亦足快縱獵南山秋
 騰身刺猛虎至今血濺裘命薄每自笑校尉畧已侯
 短劍隱市塵浩歌醉江樓頗疑屠博中可與共奇謀
 丈夫等一死滅賊報國讎徒倚萬里橋寒日墮前洲
 宿龍華山中寂然無一人方丈前梅花盛開
 月下獨觀至中夜
 梅花如高人枯槁道愈尊君著在空谷豈比倚市門
 我來整冠佩潔齋三沐熏亦思醉花下燕惰恐瀆君
 敬抱綠綺琴玄酒挹古樽月明流水間一洗世濁昏
 摹寫香與影計君已厭聞老我少傑思尚喜非陳言
 臨別成都帳飲萬里橋贈譚德稱

未 往

樣 翻 肯 東 傍

成都城南萬里橋蘆根蘋來風蕭蕭映花碾草紅車
 小駐坡驀潤青聽驕入門翠經絕竅窅臨水飛觀何
 岩巖判無功名著不朽惟伏詩酒寬無聊清霜早已
 足雉免微冷便欲思狐貂喜者綉繪映盤箸恨欠斫
 蟹加橙椒坐中譚侯天下士龍馬毛骨矜超遙烏犀
 白紵謫仙樓但可邂逅不可招今年一戰馘餘子風
 送六翮凌青霄美人再拜乞利市醉墨飛落生蛟綃
 我衰於世有無用十年不趨含元朝華纓青滂蕭颯
 鬢寶帶那來龍鍾腰祝君好去事明主日望分喜來
 漁樵遊談引類亦細事寄酒且解相如消

聽琴

瑟

疎窗曲檻頻風涼，細腰美人藕絲裳。綠藤水紋穿矮
牀，玉指纖纖彈履霜。高林鶯囀日正長，幽洞泉鳴夜
未央。哀思不怨和而莊，有齋淑女禮自防。世人但感
青樓倡，琵琶聲篋雜胡羌。試聽一曲醒汝狂，文姬指
法傳中郎。

瑞草橋道中作

經年簿書無少暇，歎改今朝欣一跨。瑞草橋邊水亂
流，青衣渡口山如畫。老翁醉着看龍鍾，小婦出窺聞
姪娖。荒陂吹笛晚呼牛，古路倚梯晨採柘。殘花零落
不禁折，香草葺葺如可藉。郵亭慈竹筍穿籬，野店蒲
萄枝上架。功名垂世端有待，利欲昏心喜乘鐔。窮

晚

蘆

自笑豈人謀，閑放每欲從天借。草根共語祇自悲，風
裏蓬征安稅駕。祖師補處浣花村，會傍清江結茅舍。
夜宿陽山磯，將曉大雨北風甚勁。俄頃行三

百里遂抵雋趙浦

五更顛風吹急雨，倒海翻江洗殘暑。白浪如山激入
船，家人驚怖篙師舞。此行十日苦滯留，我亦蘆葦厭
鳴艣。書生快意輕性命，十丈蒲帆百夫舉。星馳電騫
三百里，坡隴翻雜平。楚船頭風浪聲愈厲，助以長
笛搥鼙鼓。豈惟澎湃震山嶽，直恐滙洞連后土。起看
草木盡南飛，水鳥覩呼集洲渚。稽首龍公謝風伯，區
區未禱煩神許。應知老去負壯心，戲遣窮途出豪語。

掠

航海

我不如列子神遊御天風尚應似安石悠然雲海中
卧看十幅蒲灣鷺若張弓潮來湧銀山忽復摩青銅
飢鶻揀船舷大魚舞虛空流落何足道豪氣蕩胸胃
歌罷海動色詩成天改容行矣跨鵬背弭節蓬萊宮

江樓吹笛飲酒大醉中作

世言九州外復有大九州此言果不虛僅可容吾愁
許愁亦當有許酒吾酒釀盡銀河流酌之萬斛玻瓈
舟酣宴五城十二樓天為碧羅幕月作白玉鈎織女
織雲裁五色裘披裘對酒難為客長揖北辰相
獻酬一飲五百年一醉三千秋却駕白風騷班此下

鳳

與麻姑戲玄洲錦江吹笛餘一念再過劔南應小留

長歌行

我無四目與兩口但在人間更事又死生元是開闔
眼禍福正如翻覆手消磨日月幾緡屐陶鑄唐虞一
盃酒既非狗馬要蓋惟那計風霜悴蒲柳龜突無煙
今又慣龜蟬與我成三友判知青史無功名只用一
飢垂不朽

開歲半戶湖村梅開無餘

梅花如高人妙在一丘壑林連語雖工竟未脫纏縛
乃知尤物側天下無傑作老我懷不紓樽前幾閑落

一百五日行

久

郊

塚

一、訂五日東如時、陂塘水滿、雨如絲、人家青煙不禁、
火、俚俗豈復思子、推舊墳年多木、已拱新墳、積土高、
繫、老鴉飛來、復飛去、紙錢雨濕、掛樹枝、深松茂栢、
死自樂、地下應笑、生人悲、眼中青山、身後壞、此事決、
定、君何疑、風吹雲破、日下照、小難碎、礫光陸離、停車、
暫憇、道傍舍、解囊且補殘春詩、

對酒懷丹陽成都故人

勞生常羨鬪、樂死時却悔、生時錯、花前有酒不肯、
狂、回首朱顏已非昨、君看古來賢、達人終日飲酒全、
其真、世間萬事竟何有、金樽翠杓差閑身、放翁少日、
無閑客、飛觴縱樂皆豪傑、清歌一曲梁塵起、腰鼓百

下

材

恨

笑

面春雷發、故人仙去蓬萊宮、鸞絲鳳竹舞春風、石帆、
山不孤舟雪一段、清愁付此翁、

答客

人生各有營、為吏最無策、其間小黠者、但肯乘下澤、
絕筆光範書、掃迹翹村客、早收畏塗身、未老歸阡陌、
嗟予昧擇術、誤計真累百、衰容始知悔、泯默每自責、
孤舟寄渺莽、尚恨江湖迫、客來勿多談、窮命不禁嚇、

夏白

紵二首

古有四時白紵、亦有止作一、時者、丙申、五月、在成都、烈暑、可畏、戲作、

雲母屏、薄望如空、水晶簾、疎不礙、風美人、獨立何所、
似、白玉、美藥、秋水中、素綃、細織、水蠶、綾清、寒不受、人、
間、者、晚來、浴罷、綠牕、閑、自把、新詩、教、鸚鵡、

翔為矯矯離風塵眼明見此絕代人
紗牕弄筆消永日臨得黃庭新逼真
飛樓縹緲今何夕月與玉人同一色
下簾不約九霄寒自要玲瓏看團壁

故蜀別苑在成都西南十五六里梅至多有
兩大樹夭矯若龍相傳謂之梅龍予初至蜀
嘗為作詩自此歲常訪之今復賦此

昔年曾賦西郊梅茫茫去日如飛埃
即今衰病百事懶陳迹未忘猶一來
蜀王故苑犁已遍散落尚有千雪堆
珠樓玉殿一夢破煙蕪牧笛遺民哀
兩龍卧穩不飛去麟甲脫落生莓苔
精神每遇雪月見氣力若

截冰霜開霸臣放士耿獨立淑姬靜女知誰媒
摧傷

戰
■
耿
麟

離

衆多意愈屬直與天地爭春回倉然老氣壓桃李
笑我白髮心尚孩微風故為作嫵媚一片吹入黃金罍

芳華樓賞梅

素娥竊藥不奔月化作江梅寄幽絕天工丹粉不敢
施雪洗風吹見真色出籬藏塢香細細臨水隔煙情
脉脉一春花信二十四縱有此香無此格放翁年來
百事惰惟見梅花愁欲破金壺列置春滿屋寶髻斜
簪光照坐百榼淋漓玉笋飛萬人辟易銀鞍過不惟
豪橫壓清臞聊為詩人洗寒餓

推

遊仙

飄飄萬鶴杳難攀萬里東遊海上山
應有世人遙稽顙

色

首紫蕭餘調落雲間初珥金貂謁紫皇仙班最近玉
爐香為憐未慣曾霄冷獨賜流霞九醞觴玉殿吹笙
第一仙花前奏罷色凄然憶曾偷學春愁曲謫在人
間五百年

昨

天王廣教院在叢山東麓予年二十時與老
僧惠迪遊畧無十日不到也淳熙甲辰秋觀
潮海上偶繫舟其門曳杖再遊恍如隔世
遊山如讀書深淺皆可樂道傍小精舍亦自一丘壑
淒涼四十年始復重看脚老生逝已久講坐塵漠
當時童子輩衰鬢亦蕭索掃壁觀舊題歲月真電
文章卑不傳衣食窘如作出門意惘然遼海渺孤鶴

敬碑

登鵝鼻山至絕頂訪秦刻石且北望大海山
路危甚人跡罕至也
街頭旋買雙芒屨作意登山殊不惡蒼崖無罅竹鞭
逸崩石如墜松根絡憑高開豁快送目盤險崎嶇危
着脚川雲忽起兩蛟舞瀑水高吹萬珠落大巖空控
詭所刻絕壁峭立端疑削坡平或可容百人峽束僅
容飛一鶴蛇蹊岌岌頭自眩鬼谷慘慘神先愕秦皇
馬迹敢莓苔如鑿非鑿鑿非鑿殘碑不禁野人燎造
物似報焚書聖人民城郭俱已非煙海浮天湧如昨

十月二十六日夜夢行南鄭道中既覺恍然
攬筆作此詩詩成時已五鼓

苔千雪狐北

孤嶽兩角不可行，望雲九井不可度。嵒冢之山高，挿
天漢水滄。日東去，高皇試劍石為分。草沒若封，猶
故處，將壇坡陀過，不載中野。疑有神物護我，時在暮
府來，往無晨暮。夜宿沔陽驛，朝飯長木鋪。雲中痛飲
百榼空，蹴踏山林伐孤兔。耽此山虎食人，不知數
孤兒寡婦，讎不報。日落風生，行旅懼我。聞投袂起，大
呼聞百步，奮戈直前。虎人立，吼裂蒼崖，血如注。從騎
三千皆素人，面青氣奪空相顧。國家未發，度遼師落
魄。人間傍行路，對花把酒學醞藉。空辱諸公誦詩句，
即今衰病臥在床。振臂猶思備征戍，南人孰謂不知
兵。昔者七秦楚三戶，放翁詩集卷之二前集。

秦

澗谷精選陸放翁詩集卷之三

前集

七言八句

雨晴遊洞宮山坐間復雨

近求松篁鎖翠微，洞天宮殿對清輝。陟晴似為醪醑
計，急雨還如燕子飛。道士晝閑丹竈冷，山童曉出藥
苗肥。拂床不用勤留客，我困文書自怕歸。

醉中到白崖而歸

醉眼朦朧萬事空，今年痛飲羨西東。偶呼快馬迎新
月，却上輕輿御晚風。行路半生常是客，丈夫八十未
稱翁。亂山缺處如橫綫，遙指孤城翠霧中。

深居

慶

水快 坊 困

作東難堪簿領迷深居聊復學幽棲
來酒戶何妨
州老去詩名不厭低零落野雲寒
小霏微山雨晚
成泥自憐甫里家風在
小橋殘蘆送廢畦

題友人觀道院壁

幽煙浮月聲殘木影如龍布石壇
偶駕青鸞塵世
窄閑吹玉笛洞天寒
奇香滿院晨炊藥異氣穿若夜
浴丹却笑飛仙未忘俗
金貂猶着侍中冠

宿江原縣東十里張氏亭未明而起

寸廩驅人卒歲勞一官坐夾布衣高
劔南十月霜猶
薄江上五更雞亂號孤枕擁衾尋短夢
青燈照影着
征袍客愁相續無時斷
那得并州快剪刀

失

枝下晚

晚登橫溪橋二首

樓鼓聲中日又斜憑高愈覺在天涯
空桑客土生秋
草野瀆虛舟集晚鴉瘴霧不開連六詔
俚歌相答帶
三巴故鄉可望應添淡莫恨雲山萬疊遮
犖确坡頭第竹披西臨村路立多時
賣蔬市近還家
早煮井鹽人忙不
麥遲病客情懷常怯酒山城光景
盡供詩院來試問愁多少
只託高樓橫笛吹

武擔高臺晚望

顛顛西牕已一翁登高意氣尚豪雄
涇河霸國興亡
後風月詩人醉醒中
病起頓驚雙鬢改春歸一掃萬
花零爛邊徒倚君知否
直到吳天日未窮

徙倚

僊

待青城道士不至
我亦從來薄世緣偶然未藥到西川慵追萬里騎鯨
客且伴十年化鶴倦金鼎養丹曉海日玉壺取酒醉
江天朝來坐待方平事讀盡黃庭內外篇

學射道中感事

學射山前宿雨收藍輿咿軋自生愁得閑何惜傾家
釀漸老真須秉燭遊道廢尚書猶乞來時來校尉亦
封侯自怜白首能豪在車轍何因遍九州

登劔南西川門感懷

自古高樓傷客情更堪萬里望吳京故人不見暮雲
合客子欲歸春水生瘴癘連年須藥石退藏無地着

采

柴荆諸公勉畫平戎策投老深思看太平

城上

疾步登城殊未衰欣然一笑擲筇杖正當閑似白鷗
處不減健如黃犢時秋野煙雲橫慘淡暮天樓閣倚
參差高吟醉舞忘歸去乞與丹青畫怪奇

早行

喔：鳴雞促起程翻：飛鷲導孤征節旄盡脫歸猶
遠帶眼頻移瘦自驚小市蕭條黃葉滿斷橋零落綠
苔生居人猶復多愁患何況天涯倦客情

秋晚登城北門

幅巾藜杖此城頭卷地西風滿眼愁一點烽傳散闕

葉

信兩行寫帶杜陵秋山河興廢客搔首身世安危人
倚樓橫翠賦詩非復昔夢魂猶繞古梁州

醉中偶書

古寺閑房閑寂寥幾年耽酒負公朝青山是處可埋
骨白髮向人羞打腰未路自悲終老蜀少年常願從
征遼醉來挾箭西郊去極目寒蕪雉兒驕

浣花賞梅

老子人間自在身挿梅不惜損烏巾春回積雪層冰
裏香動荒山野水濱帶月一枝低弄影背風千片遠
隨人石家樓上貪吹笛肯放朝玉樹新

蜀苑賞梅

撲

十里温香撲馬來江頭還見去年梅喜開刺欲邀明
月愁落先教掃綠苔跌宕放翁新醉墨淒涼廢苑舊
歌臺盛衰自古無窮事莫向昆明歎劫灰

席上作

綠波畫漿浣花船清簾疎簾角黍筵一幅葛巾林下
客百壺春酒飲中仙散懷綉管繁華地寄傲江湖浩
蕩天浮世深沉何足計丹成碧落珥貂蟬

客愁

騎馬出門無所詣端居正爾客愁侵蒼顏白髮入衰
境黃卷青燈空苦心天下極知須萬傑書生何恨死
山林消磨未盡曾中事梁甫時尚一吟

浣

同

送梅

零落梅花不自由，斷腸容易付東流。與人又作經年別，閑月應知此夜愁。已是狂風卷平野，不禁橫笛起危樓。何時小雪山陰路，處處尋香繫釣舟。

即席

解鞅名園眼倍明，慙慙翠袖勸飛觥。海棠紅杏欲無色，蝴蝶黃鸝俱有情。去日不留春漸老，歸舟已具客將行。倦遊短鬢無多綠，生怕樽前唱渭城。

舟過小孤有感

小孤山畔峭帆風，又見煙鬟縹緲中。萬里客經三峽路，十年詩費十年功。未嘗滿盞蒲芽白，先省堆盤鱸

甫

椽

縷紅商畧人生為何事，一策從此入空濠。

題齋壁

尊得湖邊屋，數椽茅齋低。小竹牕妍墟，煙寂登歸村。路山色蒼寒，釀雪天性懶。杯盤常偶爾，地偏雞犬亦

夜行宿湖頭寺

卧載籃輿黃葉村，疎鍾香燭隔溪聞。清霜十里伴微月，斷鴈半行穿亂雲。去國不堪心破碎，平戎空有膽輪困。泗濱樂不應如舊，誰勒中原第一勳。

雪後出遊戲作

小巘平岡雪陸離，幽人又賦探春詩。典琴沽酒元非

俗着履觀碑又一奇大度乾坤容落魄多情風月笑
衰遲吾生也似梅花淡燕未歸來蝶未知

村居書觸目

雨霽郊原刈麥忙風清閣巷曬絲香人饒笑語豐年
樂吏省徵科化日長枝上花空閑蝶翅林間蕞熟澗
鶯兒飽知遊宦無多味莫恨為農老故鄉

感昔二首

三看朝冠入上都黃封頻醉渴相如馬慵立伏寧僻
序蘭偶當門敢怨鋤富貴尚思還此寓衰殘自合愛
司廬燈前日方依然在且盡山房萬卷書
五丈原頭秋色新當時許國欲忘身長安之西過萬

一本不載
感昔二首

力

里

皇北斗以南惟一人往事已如遼海鶴餘年空羨葛
天民腰間白羽凋零盡却照清溪整角巾

夜半讀書罷出門徒倚久之歸賦短句

浩歌曳杖出柴扉不管三更露濕衣擬看林梢殘月
上偶逢浦口斷雲歸驚鴻脫網寒相倚飢鶻思巢夜
亦飛却掩北牕誰晤語聊憑香盞洗塵機

寓歎

千載前人每暗同眼邊俗客馬牛風作文似可張子
布飲酒思從陳孟公半世氛埃成涼倒幾時簑釣入
空濛一生處皆堪老莫怕無山看此翁

涼

澗谷精選陸放翁詩集卷之三

前集

[Faint bleed-through text from the reverse side of the page]

澗谷詩選陸放翁詩集卷之四

前集

七言八句

柳林酒家小樓

桃花如燒酒如油
緩轡郊原常自遊
微倦放教成午
夢宿醒留得伴
春愁遠壘始悟
乾坤大晚節偏
驚歲月道記取
清明果州路
半天高柳出青樓

上虞逆旅見舊題歲月感懷

昨艤為家東復西
今朝破曉下前溪
青山缺處日初
上孤店開時鶯
亂啼倦枕不成
千里夢壞墻
閑覓十年題
漆園傲爽猶非
遠物我區區
豈足齊

畫卧

道

舊

秋暑侵人氣力微燒香高枕掩柴扉弄姿野為晴猶
劍舊音委作態江雲晚未歸身外極知皆夢事世間
隨處有危機故山松菊今何似晚矣淵明悟昨非

醉歸

持酒江頭到夕霏愁城頓覺解重圍澄波宜月移船
看醉面便風走馬歸未路已驚添白髮故人頻報上
黃扉強隨處薄成真懶乞我吳松舊釣磯

自上清廷慶歸大人觀少留玉華樓

再到蓬萊路欲平却吹長笛過青城空山霜菊無行
迹半嶺天風有嘯聲細棧跨雲紫峭絕危樓飛柱插
澄清玉華更控青鸞住要與剡干待月明

官 解 醉

躬耕

莫笑躬耕老蜀山也勝萊把仰園官喚回癡夢塵機
息空盡澗愁酒地寬無復短衣隨李廣但思微雨過
蘇端十年世事茫如海輸與閑人靜處看

留題雲門草堂

小住初為旬月期二年留滯未應非尋碑野寺雲生
履送客溪橋雪蒲衣親滌硯池餘墨清卧看爐面散
煙霏他年遊宦應無此早買漁蓑未老歸

望江道中

吾道非耶來曠野江濤如此去何之起隨鳥鵲翻
後宿及牛羊欲下時風力漸添帆力健艣聲常雜鴛

屨

鳥 初 健

懔

頌
心
銳

角

魯社

聲悲晚來又入淮南路紅樹青山合有詩

僧房假榻

過盡青山喚渡船晚總洗脚卧僧邊刺償平日清遊
願更結來生熟睡緣吞啄漸稀如老鶴鳴聲已斷似
寒蟬旁觀莫若嘲癡頓此妙吾宗祕不傳

晚晴聞雨有感

暑雨初收白帝城小荷新竹夕陽明十羊塵土青衫
包萬里江山畫角聲零落親朋勞遠夢凄凉鄉社負
歸耕議即博士多新奏誰致當時曾二生

十四日宿東林寺

省盡江湖千萬峯不嫌雲夢吞吾胃戲招西塞山前

月來聽刺林寺製鐘遠客豈知今再到老僧能記昔
相逢虛牕熟睡誰驚覺野碓無人夜自舂

金陵先寄獻劉留守

梁益霸遊道阻長見公便覺意差強別都王氣半空
紫火將牙旗三大黃江面水軍飛海鶴帳前羽箭射
天狼歸來要了浯溪須莫笑狂生老更狂

夢至成都悵然有作

春風小陌錦城西翠箔珠簾客意迷下盡牙籌閑從
轉刻殘畫燭戲分題紫艷鉞暖帳中醉紅叱撥驕花
州嘶孤夢淒涼身萬里令人憎殺五更雞

又

博牙頌

宦途元不羨飛騰錦里豪華壓五陵紅袖引行遊玉
局華燈圍坐醉金繩階前汗血兆河馬架上霜毛海
國鷹世事轉頭誰料得一官南去冷如水

書感

溪路人家尚蓋扉強扶衰憊着征衣百年朝露古所
歎一擢秋風吾欲歸楚客長號泣白壁漢宮大息楚
明妃鑲金銷骨從來事老矣何心踐駭機

雪中懷成都

憶在西州遇雪時繡筵處百花圍烏絲
瀾展新詩就油壁車迎小獵歸感事鏡
鷺悲獨舞寄書箏鴈恨慵飛愁多自是難成醉不為天寒酒力微

西村醉歸

俠氣崢嶸蓋九州一生常耻為身謀酒
寧刺刃尋常債劍不虛施細碎舖岐路
凋零白羽箭風霜破弊黑貂裘陽狂自
是英豪事村市歸來醉跨牛

贈林使君

使君物外閱年華厭聽奴兵早暮衙雙
屐蹋雲吟野渡一瓢邀月醉梅花紅燼
點永閑銷日烏几繡絰不憶家我亦崐
山右歸處約君同載沔三巴

又

松檜陰中百步廊我來剝啄叩琳房魚
腸寶劍餘蛟血鴉嘴金錘帶藥香弱水
蓬萊風浩二赤明龍漢劫

鉤劍

乘

茫茫何妨付與神丹訣教跨青鸞入帝鄉

遣興

壯年一箭落雙鷗野餉如今懶葉苗寒與梅花同不
睡問尋鸚鵡說無憀烏絲闌上詩初就綠綺聲中酒
半銷老去可憐風味在未應山海混漁樵

冬晚山房書事

山澤何妨老太平晚骨相本來清月明滿地看梅
影露下隔溪聞鶴聲未辨藥苗逢客問欲酬琴價約
僧評胡奴仁祖今俱絕且學湘累拾菊英

屏迹山村病日增烏皮几穩得閑凭凍雲傍水封梅
萼嫩日洪牕釋硯冰歲盡光陰饒袞身閑醉夢且

一本遣興下
載感昔二首

晚

騰：蠻童採葉歸來晚客至從嗔喚不鷹

得趙若川書因寄

澤居路絕人不到晨起忽傳雙鯉魚儲淚一分悲世
事減愁三尺看君書龍堆對策言傷直山色迎親計
未疎老病閑門誰省錄因風時肯問何如

夜歸醉中作

意薄楊梅喚小兒孤舟自笑髮成絲放閑癡腹魚非
夢拈起幽懷總是詩霜下忽驚相葉盡難生更覺水
聲奇餘年那恨驅黃犢除却為農百不宜

早秋

落鼻巴山號放翁斯名歲晚亦成空酒醒遙夜孤舟

桐

浪

雨睡美清秋一榻風駭浪千重無死地神丹九轉有
新功雲端不遇飛仙遇誰顧幽人寂寞中

郊行夜歸書觸目

老翁病起厭端居隨意東西不問途霜野草祐鴛鴦欲
下江天雲濕鴈相呼空垣破竈逃粗屋青幔紅燈賣
酒爐未畏還家蹋泥療園丁持炬小兒扶

初夏幽居

昔如轉戰墮重圍今幸騫翎脫駭機曉樹好風鶯獨
語夜牕細雨燕相依安居不恨蝸廬追得食寧論鶴
料微更喜暮年強健在又看刀尺製縑衣
澗谷精選陸放翁詩集卷之四 前集

枯 租 僚

迓

澗谷精選陸放翁詩集卷之五

前集

七言八句

雨中示子聿

窮澗父子自相依寂寂茅廬映竹扉瓜蔓水生初抹
岸練花寒動却添衣吾玄自笑豈尚白汝瘦元知能
勝肥苦學勿為干祿計宦途雖樂不如歸

遊山西村

莫笑農家臘酒渾豐年留客足雞豚山重水複疑無
路柳暗花明又一村簫鼓追隨村社近衣冠簡朴古
風存從今若許閑乘月拄杖無時夜叩門

秋雨初霽戲筆

練疑棟

露當作路

亦

墨入紅絲點漆濃，將倦筆寫秋容。雨聲已斷時聞滴，雲氣將歸別起峰。斜日半穿臨水竹，好風遙送隔城鐘。遠遊更動輕舟興，太息何人解見從。

作夢

作夢今逾七十年，平生懷抱尚依然。結茅杜曲桑麻地，覓句灞橋風雪天。驃騎向來求作佛，淮南未露望登仙。世間妄想何窮盡，輸與山翁一醉眠。

龜堂獨坐遣悶

髮已凋疎齒已搖，高談誰與慰無聊。苦心雖嘔何由出，病骨非誇非自銷。玉雪微塵烹瑞草，胭脂小把斲靈苗。賀公吳語吾能似，太息遺魂不可招。

春行

九日春陰一日晴，強扶衰病此閑行。猩紅帶露海棠濕，鴨綠平堤湖水明。杜子美曉看紅濕處，李太白蜀江紅且明。溫明字可謂奪造化之功，世未有拈出者。酒賤柳陰逢醉卧，牛肥稻壟看深耕。山翁莫道渾無用，解與明時說太平。

七十三吟

七十三年事，新涵濡幸作六朝民。髮無可白方為老，酒不能賒始覺貧。末路已悲身是客，此心猶與物為春。柴門勿謂當岑寂，時有鄉隣請藥人。

睡起至園中

容

杜子至者三十二字係潤告評語當細書

命

春風忽已遍天涯。老子猶能領物華。淺碧細傾家釀酒。小紅初試手栽花。野人易與輸肝肺。俗話誰能掛齒牙。更欲世間同省事。勾回蟻戰放蜂衙。

踏澄

少慕功名頗自奇。一生踏澄鬢成絲。市樓酒美貧何預。斗柄春回老不知。黑幟遊魂應有數。白衣效命亦無期。魚梁東畔牛欄北。舉世誰能識此悲。

初春欲散步畏寒而歸

峭寒漠漠出重貂。酒力欺人疑不消。春困苦多無處賣。客魂欲制倩誰招。一溪水淺梅枝瘦。四野雲酣雪意驕。欲到前村無奈懶。却尋歸路度西橋。

新

遣興二首

幾看人間歲月新。釣船猶繫鏡湖濱。曾穿高帝朝元仗。却作山陰版籍民。留病三分嫌太健。忍飢半日未全貧。早知畫繡能為崇。翁子終身合負薪。

湖海元為汗漫遊。誤思四領慢亭秋。掃空薄祿始無愧。閑上衡門那得愁。湯嫩雪傳翻茗椀。火温香縷上衣篝。床頭亦有閑書卷。信手拈來倦即休。

醉題埭西酒家二首

陳：新寒入布裘。偶乘小醉得閑遊。丹楓落日野橋晚。斷鴈濕雲江路秋。馬得一鳴何恨斥。金經百煉豈容柔。不知千載塵埃裏。更有吾曹強項不。

崇

愧清

陣

桑麻蒙翳不通鄰耽酒頽然一老民
遣客方眠那足醉有衣可典未為貧
晒翎斜日鷗來熟印迹平沙
傷到新君看此間何境界癡人猶說吐車茵

遊近山

羸病知難賦遠遊尚尋好景送悠悠
亂山孤店鴉聲晚一馬二童溪路秋
掃壁有僧求醉墨倚樓無客話
清愁殘年敢望常強健到處臨歸為小留

書感

壯歲功名妄自期晚途流落鬢成絲
臨風畫角曉三弄釀雪野雲寒四垂
金縑甲思酣戰地皂貂裘記遠遊
時此心烟一空添淚青史他年未必知

數日不出門偶賦

湖上蝸廬僅自容寸懷無柰百憂攻
補衣未竟迫秋露待飯不來聞午鍾
稚子挾書勤質問鄰翁釋耒問
過從今朝一笑君知否蒲甕新醅粥面濃

初冬

平生詩句領流光絕愛初冬萬瓦霜
楓葉欲殘看愈好梅花未動意先香
暮年自適何妨退短景無營亦自長
况有小兒同此趣一牕相對弄朱黃

昨非

溫飽從來與道違書生只合卧牛衣
老狐五百年前錯孤鶴三千歲後歸
舌自生肥勝玉食腰常忘帶况

動

孤

金園一官彭澤從何有只亮還家悔昨非

史院晚出

丘津

已乞殘骸老故江誤恩重作道山遊
龍津雨過橋如拭鳳洲煙消瓦欲流
直舍小眠鐘報午路途微冷葉飛秋
心知伏櫪無千里縱有玉良也合休

飽食

飽食無功媿汗青燈前顧影歎伶俜
馬衰猶養疑知路龜久當捐為不靈
腰下徒誇綬若二鏡中何止髮星
石帆回首初非遠要及清秋斲茯苓

初春書懷

菴大光陰古更稀自今惟有數期頤
食觀水草雖多

事醉讀離騷自一奇物外有人閑始見山中可樂老
方知武陵好在桃千樹短檝相尋亦未遲

久雨

梅天一日幾陰晴對酒無聊醉不成巧曆莫能知
雨點狐桐那解寫溪聲林深鳥雀來無數草茂鉏耨去
即生明日雲開天萬里御風吾欲過青城

明日復理夢中意作

白盡鬚鬚兩頰紅頰然自况放名翁客從謝事歸時
散詩到無人愛處工高掛蒲帆上黃鶴獨吹鐵笛過
垂虹閑人浪迹由來事那計猿驚蕙帳空

夏夜

以

汲

展轉紗厨睡不成一藤扶億遠廊行月外雙鵲移枝
宿露下孤螢綴蔓明水井忽驚人已起閉門堪歎事
還生羽衣道帽從吾好栢子煙中起磬聲

老甚白詠二首

子

殘年真欲數期頤一事無管飽即嬉身入童兒鬪草
社心如太古結繩時騰之不許諸人會兀從教老
牙癡亦莫城中買監酪菜羹有味淡方知
羨生常笑古人癡悅仰那知迫菴期鏡裏鬢無添白
處樽前顏有暫丹時客嗔終歲常稱疾兒訝經旬嬾
賦詩枉却愁過強健日身閑何往不照
澗谷精選陸放翁詩集卷之五 前集

侯旅

澗谷精選陸放翁詩集卷之六

前集

七言八句

舟中夜賦

千里風塵季子裘五湖煙浪志和舟
燈殘復吐惱孤
夢雨落還收生放愁城上霜笳入霄漢煙中漁火耿
汀洲牧之未極詩人趣但謂能輕万户侯

賞花江湖上

吾國名花天下知園林盡日啟朱扉蝶穿密葉常相
失蜂戀繁香不紀歸欲過每愁風蕩漾半開却要雨
霜微良辰樂事真當勉真遣勿一片飛

記要

春夏屢病至立秋而愈因自賀

老金

良藥扶衰抵萬金，漸加糜粥輟呻吟。
溪風拂簾有秋意，山影當窗生夕陰。
薄俗只成驚者眼，幽居正得遂初心。
岸巾待月闌干曲，更覓天公愛我深。

小築

放翁卜築寄江郊，屋破隨時旋補茅。
暮看白煙橫水際，曉聽清露滴松梢。
生來不啜腥三酒，老去那營燕

東牕小酌

烏帽翩僂白茅裳，東牕隨事具杯觴。
流年不貸世人老，造物能容吾輩狂。
藤葉成陰山鳥下，檜花滿地蜜蜂香。
何人畫得農家樂，**紫**叱犂車隔短牆。

容

歲晚

無窮世事浩難量，歲晚沉緜卧草堂。
短褐折圖移曲砌，故書經蠹失偏傍。
賣刀擬買春耕犢，挾策曾亡舊牧羊。
點檢生涯還自笑，菜畦殘葉帶新霜。

冬暮

晚角昏鍾為底忙，豈容老子更禁當。
乘除富貴惟身健，補貼光陰有短長。
臨水小軒初見月，滿庭殘葉不禁霜。
巴江尺素何時到，刺着新詩寄斷腸。

題庵壁

孤村寂寂潮生浦，小院昏昏雨送梅。
蔬食一簞宜面槁，畏壘九折自心灰。
古人骨朽有書在，今雨泥多死

狂

客來散髮陽狂非寄傲世間萬事本悠哉

窮

泛舟澤中雨夜

無窮煙浪接空濛秦望稽山醉眼中
虹斷已收千嶂雨鶴歸正駕九天風
漁舟容與橫沙際水鳥號呼傍葦叢
興盡還家忽三鼓半輪殘月斗杓東

秋懷

形骸歲就枯朽意氣時猶激昂水遠浮鷗猶浩蕩
霜高殘菊更芬芳人皆有老是非在劫未成灰時
世長三百里湖行自復子孫努力事耕桑

書感

奪壁元知價不酬屠龍誰信本無求
哦詩声裏歲時

速憂國疾過天地秋已欠謝安俱泛海况無王粲與
登樓此身着處憑君記万里煙波没白鷗

舟中作

三百里湖新月時放翁艇子出尋詩城頭蟹閣煙將
合波面虹橋柳未衰漁唱蒼茫連禹穴寒潮蕭瑟過
娥祠祖龍虛負求仙意身到蓬萊却不知

寓歎

俗心浪自作替絲世事元知似弈棋舊業蕭然歸亦
樂餘年至此死何悲古人可作將誰慕造物何心豈
汝私已决殘春故溪去短簑垂釣月明時

村居

出居

青藜杖由氛埃外白版罪閑水竹邊造物與閑仍與
健鄉人知老不知年齋告每袖持罄手妄想寧流見
麴涎昨夜小庭風露冷菊花消息已先傳

道室雜詠三首

芻化及鳧杖化龍雲山回首不知重藥園夜嘯丹臺
月酒市秋聽紫閣鍾豈憚煙霄隨步武故應冰雪換
形容小童開戶驚奇事野鶴來巢塔下松
莫怪先生閑事多人間何處不經過天山八月霜枯
草賜谷三更日浴波酒熟春風歸掌握丹成神物共
誰何散人本帶江湖號四百年來一釣簑
身是秋風一斷蓬何曾任處限西東棋枰窓下時聞

間暑
東
壺

電丹竈若間夜吐虹未葉不辭千里去釣鰲曾破十
年功白頭始悟願生妙盡在黃庭兩卷中

遣興

貽：鳴鳩莫笑渠百年我亦旋枝梧病知藥物難為
驗老覺人闌不足娛茅屋何妨度寒暑蔬食且可逐
朝補釣船一去無尋處千頃江邊一色芦

病中東仲弥性唐克明蘇訓直有三君皆
移疾還家暫曲肱依然耐久北牕灯心如澤国春歸
鴈身是雲堂且過僧細雨佩盡尋廢寺夕陽下馬引
荒陵小留莫厭時追逐勝社年來冷欲冰

晚泊松滋渡口

小溪拍拍鷓鴣飛
深竹蕭蕭杜宇悲
看鏡不堪衰病後
繫船最好夕陽時
生涯落魄惟耽酒
客路蒼茫自詠詩
莫問長安在何許
亂山孤店是松滋

秋日懷東湖

小閣東頭菴畫池
秋來長是憶幽期
身如巢燕臨歸日
心似堂僧欲動時
病思羈懷惟付酒
西風落日更催詩
故知歲暮常多感
不獨當年求玉悲

醉鄉

醉鄉小築亦佳哉
但若無情白髮催
癡欲煎膠粘日月
枉思入海訪蓬萊
醉菓歸燕先秋去
泣露幽花近社開
莫惜傾家供作樂
古人白骨有蒼苔

狂若狂辭

宋

儕

曦

處

寄題陳魯山二首 時調官都下

諸公貴人識面稀
胷中璀璨漫珠璣
即今舉手遮西日
猶有流塵化素衣
舊學極知艱少貽
吾儕持此欲安歸
夜來風雨空堂靜
忽憶燈前語入微
天下無虞國論深
書生端合老山林
平生力學所得處
政要知今不勦心
舊友幾年猶短褐
謫官萬里少來音
願公思此寬羈旅
靜處炎曦豈易侵

病中作

老鶴遼天興未窮
此生光景自匆匆
家為逆旅相逢處
身是嚴裝欲發中
淚眼尚於書有味
孤愁殊覺酒無功
揮戈草檄今誰記
歲晚江邊白髮翁

經

燈下看梅
風雨經旬怯倚闌梅花折得就燈看有情應記去年
別無寐不禁清夜寒病起支筇幽興在春遲載酒後
期寬籬東數樹尤奇絕日遣蠻童候路乾

江樓醉中作

滴道
埋將
侯

林酒百榼宴江樓秉燭揮毫氣尚道天上但聞星
酒人間寧有地憂生希李廣名飛得死慕劉伶贈
醉侯戲語佳人頻一笑錦城已是六年留退之詩越
女一笑三年留

澗谷精選陸放翁詩集卷之六

前集

倦

澗谷精選陸放翁詩集卷之七

前集

七言八句

初春遣興三首始於志退休而終於倦
國亦臣子大義也

爛熟思來怕熱官退飛心地喜輕安捨魚正可取熊
掌食肉何須至馬肝漢武帝時到支國頁馬肝石其
轉丹一粒長羊不飢拭白髮皆黑語曰如馬肝者為
惟願抵肝石亦可作硯端州深溪石如馬肝者為上
又漢女成將軍放眼柳梢初暗動花梅子已微酸
興衣刺作江頭醉莫謂天涯苦鮮歡
大隱悠々未棄官俸錢雖薄却心安人方得意矜蝸
角天豈使予為鼠肝雉肉為鼠肝

雜典

九邛

散 吾

旅恨短衣馳射壓儒酸小桃楊柳爭時節載酒江頭
盤一歡

白髮淒涼故史官十年身不到長安即今天末吊形
影何日上前傾肺肝孤憤書成詞激烈五噫歌罷意
辛酸此懷欲說無人共安得相携素所歡

幽居書事

莫恨人間着不諧清時有味是歸來已因積敗成高
即更借陽狂護敢才正欲清言聞客至偶思小飲報
花開紛爭奪成何事白骨生苔但可哀

憶昔

憶昔西遊變姓名獵園屠肆狎豪英淋漓縱酒滄溟

窄慷慨狂歌華嶽傾壯士有心悲老大窮人無路近
功名生涯自笑惟詩在旋種芭蕉聽雨聲

春晴曠甚遊西市游家園

稅駕名園半日留遊絲飛蝶兩悠悠驟暄不為海棠
計長晝只添鸚鵡愁老去自驚詩酒減客中偏覺歲
時道東風好為吹歸夢着我松江弄釣舟

二月二十四日作

棠梨花開社酒濃南村北村鼓鑿旦初麥熟得飽
飯敢說穀賤復傷農崖州萬里竄酷吏湖南幾時起
即龍但願諸賢集廊廟書生窮死勝侯封

出縣

諸情
涯

忽二簿領不堪論
出宿聊寬久客寬
稻隴牛行泥滑
滑野塘橋壞雨昏昏
權籬護葉不通徑
竹筧通泉自
遍村歸計未成留
亦好愁腸不用遠
吳門

晨起偶題

城遠不聞長短更
上方鐘鼓自分明
幽居不負秋來
睡未路偏請世上情
大事豈堪重破壞
窮人難與共
功名風爐歛鉢生
在且試新寒芋糝羹

寒食臨川道中

百卉千花了不存
墮溪飛絮者無痕
家人自作清明
節老子來穿綠暗
村日暮啼鴉隨野祭
雨餘荒蔓上
顏垣道邊醉飽休
相避作吏堪羞甚
乞墻

塘

塘

初夏道中

桑間意熟麥齊腰
鶯語惺惚野雉矯
日薄人家曬蚕
引雨餘山客賣魚苗
豐年隨處俱堪樂
行路終然不
自聊獨喜此身強
健在又搖團扇着
絺蕉

春陰

春風浩蕩作春陰
弱燕歸來不自禁
白塔昏三絕半
露青山淡欲平
沉裘首細雨初驚
濕後齒新泥忽
已深直怕樓高生
客恨不因病起倦
登臨

雨中泊趙屯

歸燕羈鴻共斷魂
荻花楓葉泊孤村
風吹暗浪重添
纜雨送新寒半掩
門漁市人煙橫慘
淡龍祠蕭鼓鬧

黃昏此身且健無餘恨行路雖難莫更論

大寒出江陵西門

平明羸馬出西門淡日寒雲互吐吞醉面衝風驚易醒重裘藏手取微溫紛：狐兔投深莽點：牛羊散遠村不為山川多慷慨歲窮遊子自銷魂

過廣安弟張才叔諫議

春風足馬過孤城欲弟先賢淚已傾許國肺肝知激烈照人眉宇尚崢嶸中原成敗寧非數後日忠邪自有評歎息知人真朱易流芳遺臭盡書生

宿武連縣驛

平日功名浪自期頭顱到此不難知宦情薄似秋蟬

翼鄉思多於春繭絲野店風霜趣裝早縣橋燈火下程遲寒鞭戩手戎衣窄忽憶南山射虎時

即事

渭水岐山不出兵却携琴劍錦官城醉來身外窮通小老去人間毀譽輕打盡豪雄空自許暑龍工巧竟何成雅聞峪下多區芋聊試寒爐玉糝羹

羅漢驛翠望亭讀宋景文公詩

橫馬征塵拂不開高亭歌帽一徘徊蜀山地暖稀逢雪田歲春遲未見梅陂水近人無鷺下煙村藏寺有鍾來宋公出牧曾題壁錦段雖殘試剪裁

成都歲暮始微寒小酌遣興

華帶類移紗帽寬茶鐺欲熟篆香殘疎梅已報先春
信小南初成十月寒身似野僧猶有髮門如村舍強
引官鼠肝忠臂尤無擇遇酒猶能罄一歡

快晴

北湖天開斗柄回今朝紅日遍池臺新陽蘇醒春前
柳輕暖醫治雪後梅瓦屋螺青披霧出錦江鴨綠抱
山來衰翁也逐兒童喜旋撥文書近酒杯

暮春

忙裏偷閑慰晚途春來日日在東湖凭欄投飯看魚
隊挾彈驚鴉護雀雛俗態似爭花燭燭病躬能鬪竹
清癯一樽是處成幽賞風月隨人不用呼

地

爭一正看

東湖新竹

挿棘編籬謹護持養成寒碧映滄漪清風掠地秋先
到赤日行天午不知解籜時聞聲簌放梢初見影
離官閑我欲頻來此枕簟仍教到處隨

夏日湖上

烏帽筇枝散客愁不妨昏吏雜沙鷗迎風枕簟平欺
暑近水蘆櫺預借秋茶竈遠從林下見釣筒棠向月
中收江湖四十餘年夢豈信人間有蜀州

寓驛舍

閑坊古驛掩朱扉又憇空堂浣客衣九萬里中鯁自
化一千年外鶴仍歸遠庭數竹饒新筍解帶量松長

預一正探

園句

舊園惟有壁間詩，多在暗塵殘墨兩依。

敕牟鎮早行

孤燈照影聽初難，攬轡情懷倍慘淒。雪作未成雲意
鬧，茅荒無際客魂迷。觸寒手指藏猶裂，畏險圖書棄
不携。老去有文無賣處，等閑題遍蜀東西。

寓舍書懷

借得茅齋近笮橋，羈懷病思兩無聊。春從豈蕊梢頭
老，日向樛蒲齒上消。叢竹曉兼風力橫，高梧夜挾雨
聲驕。書生莫倚身常健，未畫凌煙鬢已凋。

成都書事

劍南山水盡清暉，濯錦江邊天下稀。煙柳不遮樓閣

美

斷風花時逐馬頭，飛毫羨筍似稽山。美斫鱠魚如笠
澤，肥客輟城西有園。賣老夫白首欲忘歸。

午睡至暮

酒力醺然入四肢，筆胥稅駕不應遲。殘年已覺衰難
強，萬事無知睡不知。幸有琴書供枕藉，安能冠帶更
支持。紅爐過盡灰如雲，獨守青燈坐畫詩。

夜宴

酒浪搖春不受寒，燭花垂燼忽堆盤。山川路邈人將
老，絲管聲道夜向闌。道終也四海交遊更聚散，百年
光景雜悲歡。自憐病眼猶明在，更把名花半醉看。

寄二子

一本不載
寄二子一首

成

大兒新作鶴林遊仲子經年成吉州日日望書常至
暮時時入夢却添愁得官本自輕齊虜對景寧當似
楚囚識取乃翁行履屢一生任運笑人謀

澗谷精選陸放翁詩集卷之七

前集

[Faint bleed-through text from the reverse side of the page]

澗谷精選陸放翁詩集卷之八

前集

七言八句

行武擔西南村落有感

騎馬悠然欲斷魂春愁滿眼與誰論市朝遷變歸燕
波碕谷訝呀互吐吞澗谷張一徑松楠遙見村數家
雞犬自成村最憐高塚臨官道細煙莎遍燒痕

獨飲醉卧覺而夜半

澤畔元非慕獨醒散人一飲費經營也知世少蘇司
業安得官如阮步兵醉者面顏驚少壯澆餘胃次失
崢嶸更闌莫厭殘燈火卧聽空廊絡緯聲

城東馬上作

火

曹

割鮮藉草醉春醪
仰看鳴鷓百尺高
杜老何妨希稷
高孔明本自陋
袁暫邊頭挿羽
無傳檄篋裏
盤鷓有舊袍
寄謂長安衆
年少妓園不似
獵園豪

晚步江上

萬里橋邊帶夕陽
隔江滋市似清湘
山林獨往吾何
恨車馬交獨渠
自忙高柳陰中
扶拄杖平沙穩
處據胡床
故人京國無消息
安得相携共此涼

南定樓遇急雨

行遍梁州到益州
今年又作度瀟遊
江山重複爭供
眼夙雨縱橫亂
入樓人語侏離
逢洞僚棹歌歎
乃下漁舟
天涯佳穩歸心
懶登覽茫然却
欲愁

撩

漢

丹

波

涪州

古墨西偏曉繫舟
倚闌搔首思悠悠
欲管舟竈竟無
地不見荔枝空
遠遊官道近江
多亂店人家避
水半危樓使君
不用勤留客瘴
雨蠻煙我欲愁

黃鶴樓

手把仙人綠玉枝
近玉枝漢武帝得西那國玉枝以賜
折吾行忽及早秋
期蒼龍瀨角歸何
晚黃鶴樓中醉
不知江漢交流岐
渺晉唐遺迹草離
平生景喜聽長
笛裂石穿雲何處
吹

吾廬

吾廬雖小亦佳哉
新作柴門斲綠苔
斲或作鏤
柱杖每

欄歸鶴入釣船時帶夕陽來壘煙隔水霏三合籬菊
凌霜績三闌千里安期那可得笑呼鄰父共傳杯

別建安

小雨初收雲未歸吾行迨及晚秋時寒沙新雁無人
問露井殘桐有客悲征袂拂霜晨喚馬驛認剪燭夜
題詩悠然且作尋山想夢裏功名莫自期

登擬峴臺

層臺縹緲壓城闌倚杖來觀浩蕩春放盡尊前千里
目洗空衣上十年塵縈回水抱中和氣平遠山如醞
籍人更喜機心無復在沙邊鷗鷺亦相親

初寒有感

醒一正酣

橫林吹葉水生洲身落窮山古睦州到枕雨聲醒客
夢前牕燈影動清愁氣衝牛斗有孤劍力挽棟梁無
萬牛未滅匈奴身已老此生虛負帳中籌

縱筆

東都官闕鬱嵯峨忍聽胡兒敕勒歌雲隔江淮翔翠
鳳露沾荆棘沒銅駝丹心自笑依然在白髮將如老
矣何安得鐵衣三萬騎為君王取舊關河

官居

萬里飄然似斷蓬桐廬江上又秋風判餘牘尾棲鴉
濕衙退庭中立鴈空燈火市樓知酒賤歌呼村路竟
羊豐誰知病守無歡意也與邦人一笑同

秦

新年

寄迹人間夢已長
新年脫帽始微霜
坐中使氣如素
俠陌上行歌類楚
狂下榻欲招賢與
語杜門聊以醉
為鄉嵇山剌曲雖
堪樂終憶祁連古
戰場

遊鄆

晚雨初收旋作晴
買舟訪舊海邊城
高帆斜掛夕陽
色急曠不聞人語
聲掠水翻沙鷺過
供厨片雲
鱗明山川不與人
俱老更幾東來了
此生

休日行都園

南山如黛照朱扉
地接官居到亦稀
寒蝶徘徊掠衰
草孤花閑淡弄斜
暉荒城歌舞難娛
客休日文書且

解園猶勝去年窮
巷底卧聞砧杵念
秋衣

夜步

市人莫笑雪蒙頭
南陌東阡信脚遊
風過鐘聲雲外
寺水搖燈影酒家
樓鶴歸遼海逾千
歲楓落吳江又一
秋却掩船扉臥無
寐半牕落月照清
愁

登北榭

遠城山作翠濤傾
底事文書日有程
無溷我為揮吏
散獨登樓去看雲
生香浮鼻孔煎茶
熟喜動眉間煉
句成莫笑衰翁淡
生活他年猶得配
玄英

七言四句

平陽驛舍梅花

泥

江路輕陰未成雨梅花欲過半沾况遠來不負東皇
意一絕清詩手自題

看山

小葺茅茨紫翠間今年偷得半年閑門前未落須霜
曉且看西南一角山

戲題

走馬平欺刺繡坡放船橫截亂絲渦從來倚箇心平
穩遇險方知得力多

青村寺

十年淹泊望脩門臨水登山幾斷魂短鬢星星身欲
老小樓明月宿青村

題畫燕

一雙掠水燕來初萬點飛花社雨餘幸苦成巢君勿
笑從來吾亦愛吾廬

叙州三絕

畫船衝雨入戎州縹緲山橫杜若洲休信時平邊堠
靜傳烽火不到西樓
文章何罪觸雷霆風雨南溪自醉醒八十年間遺老
盡壞堂無壁草青
楚柁吳檣又遠遊統花行樂夢西州千尋鐵鎖還堪
恨空鎖長江不鎖愁

龍興寺弟少陵先生寓居

中

戊

中原草：失承平成火胡塵到兩京。扈蹕老臣身萬里，天寒來此聽江聲。

過靈石三峯二首

奇峰迎馬駭衰翁，窮嶺吳山一洗空。拔地青蒼五千仞，勞渠蟠屈小詩中。

曉日瞳矓雪未殘，三峯傑立插雲間。老夫合是征西將，曾次先收一華山。

歸州重五

屈平祠在州東南五里，歸鄉蓋平所居。

闕舸紅旗蕩急滯，船牕睡起亦閑看。屈車鄉國逢重五，不比常羊角黍盤。

滿

屈平廟

委命仇讎事可知，章華荆棘國人悲。恨公無壽如金石，不見秦嬰繫頸時。

楚城

江上荒城猿鳥悲，隔江便是屈原祠。一千五百年間事，只有灘聲似舊時。

別建安

三十年来雲水僧，常挑鉢袋繫行藤。信緣不作癡巢窟，即是吾家無盡燈。

緣

澗谷精選陸放翁詩集卷之八

前集

[Faint bleed-through text from the reverse side of the page]

澗谷精選陸放翁詩集卷之九

前集

七言四句

小園

小園煙草接鄰家
桑柘陰陰一徑斜
斜卧讀陶詩味
終卷又乘微雨去
鋤瓜

湖上今歲遊人頗盛
戲作二首

畫船鼓吹載涼州
不到三更枉出遊
忽有歌聲出雲漢
誰家鬧宴小紅樓

臺府官醅歲歲新
蘭亭春勝鏡湖春
三山小甕雖堪笑
也向湖邊作醉人

雜感二首

未

身

百年鼎鼎成何事寒暑相催即白頭縱得金丹真不
死摩挲銅狄更添愁
世間魚鳥各飛沉茅屋青山無古今畢竟替他愁不
得幾人虛費一生心

劍南道中遇微雨

衣上征塵雜酒痕遠遊無處不銷魂此詩句是詩人
未細雨騎驢入劍門

三峽歌五首

神女廟堂秋月明黃牛峽裏暮猿聲危湍惟命不容
惜百丈牽船侵夜行
十二巫山見九峯船頭彩翠滿秋空朝雲暮雨渾虛

黃

語一夜猿啼明月中

亂插山花簪子紅黃草蛩歌相和滾西東忽然四散
不知處蹋月扣蘿歸峒中

萬州谿西花柳多四鄰相應竹枝歌問君今夕不痛
飲奈此蒲川明月何
我遊南賓春暮時巧船曾繫掛猿枝雲迷江岸屈原
塔花落空山夏禹祠

春日絕句

怕見公卿嬾入城野橋孤店跨駟行天工遣足看山
顏白盡鬚鬚却眼明

閑中自詠

願

小艇上時皆綠水短筇到處即青山二十四考中書
令不換先生半日閑

讀經

藜羹粟飯養殘軀晨起衣冠讀典謨莫謂書生無用
處一身自是一唐虞

梅花絕句

聞道梅花折曉風雪堆遍滿四山中何方可化身千
億一樹梅花一放翁

雜興

一身直負愁餘酒滿眼關山海上樓子細推來惟合
睡五更風雨已如秋

聞鳥聲有感

流年冉冉去無情日夜溪頭布穀聲城郭雖存人換
盡今感應悔學長生

七月十四夜觀月

不復微雲滓太清浩然風露欲三更開簾一寄平生
快萬頃空江看月明

巴東遇小雨

暫借清溪伴釣翁沙邊微雨濕孤蓬從今詩在巴東
縣木屬灞橋風雪中

雪後尋梅二首

雪裏芬芬亦偶然世人便謂占春前飽知桃李俗到

不

骨何到與渠爭看鞭
竹籬曲：水邊村月澹霜清欲斷魂商略前身是飛
燕玉肌無粟立黃昏

庚子正月十八日送梅二首

滿城桃李爭春色不許梅花不成雪
人間尤物無盛衰萬點紫風正奇絕
我行柯山暇酒家初見牕前三四花恨無壯士挽斗
柄坐令東指催年華

米蓮

雲散青天掛玉鉤石城艇子近新秋
風鬟霧鬢歸來晚忘却荷花記得愁

真

鱈

建安遺典三首

建安酒薄客愁濃除却哦詩事
：慵不許今年頭不白城樓殘角寺樓鐘

錦城重到難無期忽憶書臺步月時
白浪黏天蛟鱈橫夢中識路亦何為
綠沉金鏤少時狂幾過秋風似戰場
夢裏都忘刺嶠遠萬人鼓吹入平涼

排悶絕句三首

四十從軍渭水邊功名無命氣猶全
白頭爛醉東吳市自按長刀割彘眉
西塞山前吹笛聲曲終已過洛陽城
君能洗盡世間

肩

念何處樓臺無月明
風霜九月冷颼颼湖海飄然一布裘親見處義欲畫
卦轉頭三十萬春秋

晚興

一声天邊斷雁哀
數葉籬畔早梅開
幽人耐冷倚門
久送月墮湖歸去來

欲出遇雨

東風吹雨惱遊人
滿路新泥換細塵
花睡柳眠春自
懶誰知我更懶於春

示子聿絕句

儒林早歲竊虛名
白首何曾負短檠
堪歎一衰今至

雨

此夢回聞汝讀書聲

初夏絕句

紛紛紅紫已成塵
布穀聲中夏令新
瓜路桑麻行不
盡始知身是太平人

小舟遊近村三首

數家茅屋自成村
池碓聲中晝掩門
寒日欲沉蒼霧
合人間隨處有桃源
不識如何喚作愁
東阡西陌且閒遊
兒童共道先生
醉折得黃花插滿頭
斜陽古柳趙家庄
負鼓翁正作場
死後是非誰管
得滿中聽說蔡中郎

地

一壺歌

長安市上醉春風亂插繁花落帽紅看盡人間興廢
事不曾富貴不曾窮

觀梅至花徑高端叔解元見尋

春暖山中雪作堆放翁艇子出尋梅不須問訊道傍
叟但覓梅花多處來

雜題二首

其一

松肪釀酒石根醉檨葉作衣雲外行指點人間一長
歎秋風又到洛陽城

其二

黍醅新壓野雞肥茅店酬歌送落暉人道山僧最無
事恰渠猶起暮鍾歸

雪中忽起從戎之興作二首

其一

狐裘臥戴錦駝車酒醒冰髭結亂珠三尺馬鞭裝白
玉雪中畫字草軍書

其二

十萬貔貅出羽林橫空殺氣結層陰桑乾沙土初凝
雪未到幽州一丈深

伏錫平老自都城回見訪索怡雪堂詩因賦

三首

其一
東華軟塵飛撲帽黃金給馬人
看好渠懷胸中誰得知
畏禍憂談鬢先老

其二
舉世榆與平老行青山白雲過
一生出門曳杖便千里
白雲不約常同行

其三
敲門剥啄雲蒲屨劇談未竟還東去
到山分我一片雲
并遣春風吹好句

澗谷精選陸放翁詩集卷之九
前集

澗谷精選陸放翁詩集卷之十
前集

五言八句
即事

抵
樽酒如江綠春愁抵草長
但令閑一日便擬醉千場
柳弱風禁絮花殘雨漬香
客遊還役三心賞竟茫

溪行

蓬翁鳴春雨蒲葦水帆蒲掛暮煙
買魚尋近市覓火就鄰船
愁卧醒還醉灘行却復前
長年殊可念力盡逆風牽

寓歎

小雨初涼夜殘燈欲暗時
病多愁近酒心弱怯題詩

陸
陸

舊友殊方少，歸耕晚歲宜。回頭顧孤影，此意有君知。

峽州甘泉寺

江上甘泉寺，登臨擅一州。山亭喜無恙，老子得重遊。灘急常疑雨，林深欲借秋。歸途更清絕，倚杖喚漁舟。

獨立

獨立柴荆外，頽然一秃翁。亂山吞落日，野水倒寒空。憂患工催老，飄零敢諱窮。漁歌亦何恨，悽斷滿西風。

病中

風雨暗江天，幽窓起復眠。忍窮安晚境，留病壓災年。客助修琴料，僧分買藥錢。餘生均逆旅，未死且陶然。

一室

懶靜

九萬笑鵬搏，幽居一室寬。雨聲便早睡，酒力壓春寒。懶覺閑多味，衰知死有緣。此生吾自斷，不必夢邯鄲。

春晚苦雨

垂老卧村墅，餘寒欺病身。雞猶未忘具，雨欲不容春。忽之花時過，荒草色勻尊。綠已上市，一飯未傷貧。

客有見過者既去喟然有作

髮毛俱白盡，事不補秋毫。去死今無幾，歸耕何足高。已如陶止酒，徒勸屈鋪糟。惟有滄溟去，揚帆看雪濤。

致仕後述懷

生理雖貧甚，胸中頗浩然。常辭問字酒，屢却作碑錢。寧有駱堪鬻，况無車可懸。小須梅雨霽，散髮醉江天。

駱

客

孤村

老寄孤村裏，悠然卧曲肱。筭貧先放鶴，嫌懶并疎僧。
古戍高秋笛，寒牕半夜燈。平生羞詭遇，多獲豈吾能。

遊山

病退行猶倦，山坡每少休。高枝聞鶻語，淺瀨見魚遊。
偶有堪乘興，元無可遣愁。悠然又終日，爭路百歸牛。

春日

車馬閑中絕，衣襦病後寬。改詩消晝永，賒酒敵春寒。
柳細槎難似，花新染未乾。歸鴻與來燕，各自管悲歡。

醉賦

霜楓茅屋露，菊插紗巾。今古無窮事，江湖未死身。

靖節

直令依馬磨，乃許靖少與從弟俱知名而私情不
磨自終勝拜車壁每崇其出輒望塵拜我亦輕餘
子給壽陵餘子學行於子耶成丁也君當怒醉人

小園

蕭散遺塵事，栽培得小園。土鬆花意活，林暖鳥言繁。
殮酪供晨鉢，菹芹薦晚樽。餘年君莫問，送老向孤村。

舟中作

沙路時晴雨，漁舟日往來。村中皆畫本，處處有詩材。
炊黍孤煙晚，呼牛一笛哀。終身看不厭，岸憤興悠哉。

歲晚書懷

殘歲堂去，新春鼎來。夢移鄉國近，酒挽壯心回。

憤

暖律初催柳，晴光併上梅。東湖有歸日，衰抱得頻開。

野興

有酒皆堪醉，無山不可廬。遂初成近賦，孤憤悔前書。湘寺分經帙，廬山寄藥鋤。江頭霜葉滿，許興屬騎驢。

雨後涼甚

並海寬間野，清秋搖落天。微涼供美睡，穩字入新眠。陋屋蕭蕭雨，脩筒細細泉。晚牕生酒興，洗酌一陶然。

月夜江濱池納涼

微徑荒城曲，叢祠野水邊。月能從我醉，風欲駕人仙。靜數黏螢草，遙聞采芡船。熱官那有此，留滯莫尤天。

長汀道中

晚過長汀驛，溪山乃尔奇。老夫惟坐嘯，造物為陳詩。鳥送穿林語，松垂拂澗枝。憑鞍久忘發，不是馬行遲。

病中作

一病二十日，直愁難自還。殘書不成讀，長晝只供閑。風舞迎霜葉，雲昏欲雨山。臨牕忽自笑，詩思又相關。

冒雨登擬岷臺觀江漲

雨氣昏千嶂，江聲撼萬家。雲翻一天墨，浪蹴半空花。噴薄侵虛閣，低昂泛斷槎。壯遊思夙昔，乘醉下三巴。

春雨

春愁無處避，春雨幾時晴。黯黯陰連月，蕭蕭滴到明。牕昏減書課，絃緩咽琴聲。何以娛幽獨，新醅手自傾。

鏡

有叟

有叟鏡湖邊，茅茨八九椽。憑欄秋萬里，閉戶醉經年。
身外浮名小，胸中浩氣全。此身吾自判，造物恐無權。

六

六月十四日微雨極涼

湖上清秋近，齋中白日長。雲來樹收影，雨過土生香。
蓮小紅衣濕，瓜甘碧玉涼。晚來幽興動，移榻近池塘。

夜雨

椽

寒雨連三夕，幽居只數椽。家貧輕過節，身老怯增年。
日月悲歌裏，關山淚眼邊。梅花自開落，歎息為誰妍。

同極有作

貴已不如賤，狂應又勝癡。新寒壓酒夜，微雨種花時。

侯

堂下藤成架，門邊枳作籬。老人無日課，有興即題詩。

春晚雜興

池面萍初紫，牆頭杏已青。携兒撐小艇，留客坐孤亭。
相法無侯骨，生年直酒星。正須遺萬事，莫遣片時醒。

自述

二畝新蔬圃，三間舊草堂。病除身小健，秋近夜微涼。
薄酒時醒醉，殘書半在亡。老懷常自笑，無事忽悲傷。

梅天

稻隴移初遍，梅天淡未晴。輕陰昏茗色，餘潤咽琴聲。
時傍菱塘立，還尋荻徑行。杜門終此世，更誓未來生。

桐夜

潤

一本自述載
筌板春晚苦
雨之下

燈花寒自結，雪片夜方深。瘦影參危坐，清愁入苦吟。
江湖身汗漫，藥石病侵尋。明舊凋零盡，何人識此心。

遊雲門諸蘭若
花過木陰合，溪雲生暮涼。牛行響白水，鷺下點青秧。
古寺宛如昨，樵松森已行。耆年不下榻，童子為燒香。

題瑩上人剎溪畫

天地又秋風，溪山憶剎中。孤舟幸閑著，借我訪支公。
路傍曲二首


其一

飯
冷歸雜沙礫，短褐蒙霜露。黃葉蒲山郵，行人跨馱去。

其二

大道南北去，車輪無停日。彼豈皆奇才，我獨飢至久。

澗谷精選陸放翁詩集卷之十 前集



丙辰莫春以
官書繕謄

林與

官庫所藏首頁鈐識
家藏書六字朱印文審其
為弘治槧本但傍無圈點與
序所言不合借我承應年間
刊本於仁正市橋侯照而補之
此書始為完璧云與識

